


PAMFLET

1468



en oud Schipper van Monnickendam,
 Daer ons den Gromen Veldt uyt quam
 Die eerst den Spaengiaerd de Zee deed ruymen,
 Sprack als volgt, naer Scheeps Cous ruymen.



Een oud Schipper van Monicken-dam,
 Daer ons den Vromen Held uyt quam
 Die eerst den Spaegniaerd de Zee deed' ruymen,
 Sprack aldus, naer Scheeps Coustuymen.



De lang leeft / ende deur ongheluck niet blind noch dooff en
 word / die hoorzt en siet ghemeenlijck vele / bysonder die niet
 slich-siende en is / maer alleenlic een kenning in Zee siet / en
 so veel gehoorz heeft / dat hy eenichsins den goeden vanden
 quaden sang can onderscheyden. Dit is my ghebeurt / ic ben
 (deur Gods genaden) een oud Schipper gheworden / my is
 meenige Zee-waters overt hooft gegaen / ende ick ben vele
 vernickelen ende avontueren doozghetomen / dan een tijt ge-
 leden / geue ic t' Ancker by Cabo del Fuego geworpen / na dat ic veel op Spaeg-
 nien ende oock eenighe Rysen opte vzeemde Landen hebbe ghedaen / so hebbe ic
 nu mijn Soonen de vzepe Rijkke Zee over gegheben / hoope dat se eerlijcke Maets
 sullen zyn / ende d'selve hare kinderen oock vze nalaten. Ick hebbe in mijnen tij-
 den vele ghesien / maer noch meer ghehoort : Och oft ick vele dinghen in mijne
 jeught wat beter onthouden ende behartighet hadde / bysonder vande ghene die
 ick in Spaengnien ghesien hebbe.

Al te verhalen dat waer te lang / ick sal alleenlijck segghen het wonderlijckste /
 daer van ick weet te spreken / dat is / dat ick wel ghehoort hebbe / dat eenen ghe-
 naemt Sengnor, die nu soo breed gaet / dat hem de Werelt schijnt te nauw' te we-
 sen / wel eer so goeden Gesel placht te zyn / dat hy hem wel te vreden hielt met zyn
 Gepkens te melcken / syn Vyghe-korzkens te vzeiden / syn Oraignen / Citroe-
 nen / Linoenen / Vygghen ende Rosgnen te plucken / ende als hy soo rijck mocht
 worden / dat hy beneffens een Cap ende Rappier / water en broot met een Rijn-
 tgen of te Orange Appelken conde verballen / so was hy hjo D'algo, tan bueno co-
 mo el Rey, sonder bukten syn Landt een Reuse upt te steken / anders dan in alder
 ootmoedicheydt / gevende vijff-ende-twintich befo las manos voor eenen goeden
 dach / ja was in dese goevertieren heyd soo seer gewent / dat hy ontrent seven hon-
 dert jaren langhe onder de Mooren ende Sarazijnen voor jonghen heeft geva-
 ren / ende opgheblasen / ende ghedooght dat se t'spient met staende Masten inne-
 voeren.

Ick hebbe wel vele vzeembelicheden gehoorzt van eenen costelicken crachtigen
 Steen / die de Alghemisten (soo mijn dunckt) noemen Lapis Fylsop, maer ande-
 re segghen dattet ybele dinghen zyn. Maer dit is waer / dat desen Seygnor, ghe-
 leden ontrent hondert jaren / gebonden heeft een Gouden Stoc / die van Oosten
 int Westen streckt / gelijk de Raelde vant Zupden int Noorden / hy noemt hem
 Las Indias, desen heeft soo wonderbaerlijcke krachten / hy heeft oock sulcx daer
 mede weten te handelen ende te schermen / dat hy alle de oude ende nieuwe werelt

A j

deure

deure de menschen daer mede heeft neder gemaect / als oft hy Coozen gemaect hadde / ja hy wist daer mede te weghe te brengen / dat de enen en malck anderen maepden. Dit is wonderlijck / wat souden wy lupe Voeren vinden / oft sy eenen bond hadden / dat t'ene Coozt t'ander conde maeyen / ende nochtang is dit waerachtich / dit sullen wy getuyghen alle t'volck van Oost ende West-Indien / Italien / Duytslandt / Vyanchrijck / Sicilien / Granaden / Arragon / Navarren / Portugael / ende meer ander / maer niemant beter dan de Neder-landers / daerom gheloof dit wy / ten syn gheen fabulen.

Ende hoewel u dit wat vreemt dunckt / soo gheloofst wy noch meer dat hy met desen Stock niet alleen can door-slaen / t'welck niet soo vreemt en schijnt / want t'Sout / synde t'zwaerste van alle Metalen / so moet ymmer de Stock wel hard aen-comen / daer hy treft. Maer hy can daer nu de oock seer vriendelijc streelen / t'welck soo aentreckende is / dat de ghene die hy met desen Stock maer eens en bestryckt / hoe groote vanden sy hem syn / als sy t'streelen maer gedooghen / die syn in eenen omme-sien gheheel vergult / ende nemen daer inne alsulcken behaghen / dat sy terstont vergheten alle t'leet dat Seignor hun ghedaen heeft / al had hyse hondert mael op eenen dach doen op-blasen / haer Vader-landt verwoest / Kercken vol volck t'seffens vermoort / hare Stede te bier ende te zweerde omgebracht / haer Vader ende Moeder aen staecten levendigh verbrant / ende al haer goet benomen : dit alles is terstont vergeten / en sy dienen hem totte Soolen van zyn Schoene / al soud hun t'leven kosten. Ja t'wit van haer oogen wort gants ghele / sulc datse gheen quaet en sien wat Seygnor doet oock als sy sien dat hy hy haer eyghen Wyf ende Dochters slaeyt. Ende ten lesten worden sy soo cleyn van verstand / dat sy haer eygen ende haerder vrienden hoofden hen thups brengen / om daer mede zyn beliesten te doen / dit en can ick niet begripen / desen streeck en vind ick op myn Hollands Compas niet / maer mijn Caert-boeck hout / datmen de ghestreelde moet schouwen als de Clippen in Zee / ende datmen daer baerxkens op behoort te setten / ghelijcker op de Dool-wijck ende op Tpoort staen / dit soude de behoudenisse zyn van menich goet Schip.

Alle dit is ghenoech ghebleken deur de gantsche Wereldt / maer als ick overdencke de vreemdicheden die Seignor int Nederlandt / ons Vaderlant / heeft aengherecht / deur de crachten van desen Stock / soo is dit t'vermaecken van mijn ouderdom / oberlegghende dat hy veertich jaren lanck daer mede soo dapperlijc heeft gheslaghen / gemaect / ende ghestreelt / oock den eenen Neder-lander den anderen heeft doen maeyen / op hoope van t'gulden Wlies te winnen / ende syng Vaders Erff te verliesen / sulc dat de Velden bedeckt souden syn / indien t'ghemaeyde daer noch op laghe. Onder andere hebbe ick ghesien dat hy eenen sterven Boom / die booz gheen stozmen opt was bewoghen / met eenen slach heeft afghemaect / niet hy selfs / want daer en wist hy gheenen raedt toe / maer deur een arm stroo dat hy met desen Stock soo vergult hadde / ende de ooghen soo ghele ghemaect / dat hie in syn eyghen verderf liep / want den Boom viel te pletteren : Maer upt desen Boom sproot een Lootgen / t'welck tot een lustigen Boom is op-ghewassen / t'welck desen Seignor vier-en-twintich jaren lanck seer veel werck heeft gegeven / sonder dat hy met slaen ofte streelen eenich boozdeel daer op heeft connen winnen. Ende desen Boom is nu d'ere vant Veldt.

Van het alder-seltsaemste dat ic opt hoorde oft sach / is / dat Seignor noyt geen wech heeft gheweten metten Nederlander / Maetroos genaemt / desen is een lustighen

ghen/rappen Zee-maet/die hem al-omme dapper in synen schildt is / want soo
dickmaels als hy hem in veertich jaren tijts te Water heeft conuen krighen/ so
heeft hy hem algt leeren danst de Courante over-boort/ al waert een kic-vors
gheweest / sonder dat hy opt slaen oft streelen van desen gouden Stock yet heeft
ghepast : Ende ten lesten is Maet-roos soo moedich gheworden / dat hy met een
dapper hepdt teghen Signor onder synen Stock is in-geballen/ slaende syn ee-
ue handt aent Oost-eynde van-dien / ende Signor houdende t'West-eynde/sulck
dat hy het vel van synen eyghen handen treckt / ende in dier voeghen trecken sy
nu ontrent thien jaren desen Stock / teghen malcanderen. Dan alsoe Signor
gheen Zee-voeren en heeft/soo ist tot noch toe met hem algt opten selven dans
over-boort uptgheromen / waer deur Maet-roos ten lesten t'Oost-eynde vanden
Stock soo vast heeft ghevat / dat Signor beghen te roepen: Decha Villaco,
Basta Trahidor, al fuego Lutherano. Waer Maet-roos daer op niet passende /
hielt met d'eene handt den Stock noch veel gheweldigher / ende leyde d'ander
handt aen synen Pongiaert / segghende : Ghy Valck hout af, ofte dat gaet van
Oosten in, midden deur u Wambays, datter van Westen uyt-comt, ende met een gaff
Maet-roos so bycesselijcken schryp met zynen verstaeldē Pongiaert/ indē Straet/
datter t'vier uyt-spranck/waer over Signor soo seer verschrakte / dat hy synen
Stock (sonder den welcken hy wederom soo ootmoedich soude syn als te voo-
ren) meynde quijt te gaen.

Dies hy siende dattet slaen hem was belet / dat hy oot niet en conde maeyen/
soo lange Maet-roos t'een eynde vanden Stock vast hielt ende als hy om t'West-
eynde soude moeten crabbelen : Ende indien hy desen gouden Stock eens quijt
ginck/dat hy hem met eenen coperen Stock soude moeten behelpen/also dat hy
thyns geen en anderen en conde binden/ende dat hy daer-medē niet en soude con-
nen uyt-rechten / so heeft hy't op schoon-spreken aengheleydt/denckende t'is be-
ter flacke aff te zeplen/ dan mynen gouden Stock teghen een paar Zee-schoenen
te abontueren/ende alsoo-men seyt/ dat hy nimmermeer en predickt dan onder
de Galghe/soo moet hy al wel beangst zyn gheweest/ segghende : Signor Maet-
roos, weest doch niet soo quaet / denckt om uwe Conscientie / wilt ghy mynen
Stock nemen die ick hondert jaren ghehad hebbe ? Laet my die behouden/wy
fullen seer goede vrienden zyn/ende ick sal u daer-teghen laten behouden u eygen
Schip/ met Couwende Taechel/staende ende loopende Want/Sepl/Trepl/en-
de al watter toe behoort/sonder dat ick yet daer op sal pretenderen/ghy sult een
vachtken Vyghen moghen laden / ende sult een byp Schipper zyn / dies en sult
ghy niet Oost noch West baren / soo verre myn Stock streckt / comt ghy daer
binnen/soo moet ghy (sonder teghen-spreken) lyden / dat ick u om d'oozen sou-
de slaen/ander sal ick u maecken byp Schipper tot daer-en-toe. Ja wat praet
is my dit/seyde Maet-roos, en lust u niet te lachen/desen Valc wil op myn Schip
Preutelen daer hy niet eenen Nagel aen en heeft/hy meynt my te payen met myn
eyghen gheldt: wat spul is my dit : desen Valck soude my byp Schipper maec-
ken/ghelyck de Ezels Doctoozen maecken/mits dat hy inde Cajute ende ick op
den Ballast soude legghen/ende mits dat ick niet en soude baren dan om Vyghen
ende Cap-rabens/ ick soude byp Schipper te voet zyn : Ist al Gerck/neen/neen/
mijn Vader was een goet Schipper/die heeft my al anders ghelert/ hy sprack
altijdt van houdt en beleght / ende van gheenen Wint over te gheven. Ten is u
maer te doen om uwen Stock byp te hebben/omme daer mede naer uwen wil te
gaen

laen ende te mapen/ ende om my d'eerste daer mede om d'oozen te gheben: ghy
moet sulck volck noch eens te haerden gaen soeken: Ick sal mijns Vaders les-
sen wel onthouden/ ende mijn eynde wel vast houden/ ick sal u betoonen dat de
Walcken gheen Schippers en maerken: Maer indien ghy wilt dat wy voort-
aen goede Ghesellen zijn/soo laet ons desen gehelen Stock Oost ende West eynde
tusschen ons beyden legghen/ ende elck daer van even na wesen/ ende wy sul-
len voort als vyre Schippers de Zee vande gantsche Werelt/vynde ende vranck
beyde even schoon bespelen/ ende soo goede Ghesellen syn/ dat ghy de Courante
over-boort niet meer sult behoeven te danssen/soo langhe ghy my in vyden laet.
Dit is recht/soo hebben mijne voor-ouders gebaren daert hen ende den Coop-
man beliefde/hier en heeft niemandt opt teghen geseyt/ dan degene die op Cabo
de Griep voeren/ ende ghy/ nu dat ghy desen Stock hebt ghecreghen/daer mede
ghy alles meent te dwinghen. Indien u dit niet en behaeght/soo houde ic mijn
Oost-eynde vast/ende die de hardste Duyt met de beste Zee-voeten heeft/ die sal
desen Stock int gheheel behouden/ kiest oft deelt/ ick en gheue de Zee gheen
Walcken over.

In desen Scheeps-praet/Seignor gheen behagen hebbende/ende niet wel we-
tende wat hy daer op soude segghen/soo liepen syn zinnen om ende wederom/
ghelijck den windt inde Meere. Den Stock even schoon tusschen beyden te leg-
ghen/ende om de beste Vrachten upt te sien/daer toe en heeft hy niet veel moets/
siende dat alsulcken rappen Maet syn Schip vrie-mael/ eer hy t'spne eens ran-
wenden/ ende dat hy hem upt t'water soude varen. Ter Zee daer om te crabbe-
len en dient hem niet/ hy bevinde wel dat hy gheen Indiaensche Prauwen noch
Canoon voort en heeft/hy en weet geen raet om Zee-schoenen: ende vele meer al-
sulckie Couranten te danssen/daer van heeft hy synen buick al vol/hy siet wel dat
hy over dien boegh gheen Land en soude bespelen.

Maer eben-wel Seignor weet Dupbels quaet/hy salt in hondert vaten gieten/
liever dan hy tegen Maet-roos om den Stock soude pluck-haten: Ick hebber
wat van ghehoort/ dan en weet niet oft ick wel soude conuenen na-seggen/dat hy
een Crupdt soecht dat hy langhe Treves noemt/ twelck ick niet en kenne/ick en
vindt oock inden Apteck niet/dan een oudt Doctoort heeft my gheseydt/dat dit
Crupt wel bereypt ende inghenomen/ wel eenighe jaren lang doet slapen. Con-
de Seignor niet schoon praten so verbe comen/dat Maet-roos dat wilde inneemen/
soo waer hy claer/wat conste waert voort hem synen Stock vynde te crighen/ als
Maet-roos soo langhe wilde slapen/want ghenomen oft hy syn eynde al slapende
conde vast houden (bes ick niet en gelobe) wat behoefde Seignor, alst ten quaet-
sten quame/anders te doen/dan het cleyn eyndeken vanden Stoc/dat Maet-roos
inde handt heeft/ properlick aff te saghen/soo waer ymmer synen gheheelen
Stock voort vynde: Ende oft die sehoon so wepnich coeter wate/ eben-wel soude
hy de selve crachten hebben/ende hy soude daer mede mapen ende streelen als te
vooren/wel versekeret zijnde/dat Maet-roos hem synen Stoc niet verber en soude
ondergaen. Ende ter abontueren soude hy Maet-roos daer mede al slapende soo
wel streelen/dat hy hem soude helpen mapen om een goede dach-huyse/ende om
t'gulden Vlies te winnen/oft anders soude hy moghelijck ghelegghentheydt vin-
den om Maet-roos so onsaecht te wrecken/ dat hy den Stock niet meer tegen hem
soude trecken.

Dan ick wilt nu daer by laten/met groot verlanghen/om in mijn oude bagen
te

te moghen sien/hoe dit Stock-trecken sal afloopen/ ick en bent alleen niet daer
t'eer noch vele die daer op sien: Dan soo vele moet ick noch daer toe seggen/ dat
ick wel weet/dat Segnor niet en sal deughen / indien hy deur t'een oft ander mid-
del desen Stock vry crijght / al waer hy wat roeter / syn schoon-spreken soude
hem wel haest syn vergeten/hy en soude niet laten sinen om recht om daer mede
noch dapperlijc te mapen ende te schermen dan opt te boozen. Ende siet wel toe
Maet-roos, nu ghy onder den Stock in-geballen zijt / en cont ghy hem verla-
tende niet ontcomen sonder gheslaghen te zijn / het moeter nu op staen / ghy en
moeght niet swichten/sonder opt lager land te vallen. Maer houdt desen Stock
wel vast/ende peurt West-waerts aen, na t'ander eynde/laet ghy hem eens gaen
ghy en krijght hem nimmermeer weder: wacht u booz dat slaep-crupt, als booz
Batte-crupt: volght wacker uwen Cours / t'is om een wepnich hy legghens te
doen: loopt ghy desen hoek boven / t'is behouden repse: set vry al u Zeplen hy/
daer is gheen ander middel om de Haven van uwe Cust te beseplen: ghy moeght
versekert zijn/dat Seignor niet en begheert dat u boozderlijck sy: hy soude u geer-
ne Schipper te voet maeken/ende de Courante te lande leeren danssen:wilt ghy
u niet Vrijghen-aes laten vanghen/dat en sal niet langhe duynen/dan most ghy u
met Stock-bisch / Cap-ravens ende Clap-hout gheneten / dit is te magheren
Water.

Ende ghy Rijckers/die hier staet en siet / als naer een Camer-spel/laet mede
de handen aen t'werc/al souden die wat bepect werden / t'gelt u so wel als Maet-
roos, dit is den Stock dien ghy alle soo dickwils om d'oozen hebt ghehad / ick
meene dat u noch wel ghedencht / hoe dat hy smaekt / indien dat Maet-roos die
verlaet / ofte t'slaep-crupt inne neemt / so sult ghy weder van bystaen krijghen/
dan soud' t'uwent haest opt land wapen: Ick en gheloove niet dat ghy dan lich-
telijck een ander sout vinden / die veertich jaren booz u te stoer soude gaen/dan
sout ghy selfs lustich de Fock upt houtwen/ende een Helm-stock inde lenden crig-
ghen/Ter avontueren die beerst af staet(al heeft hy t'gulden Vlies) soude wel de
d'eerste moge zijn. Indien Maet-roos, oft yemant vande Rijckers dese saec,

ke anders verstaet / soo en cont ghy uwe Ghetjen niet rekenen / ende
als t'Schip stoot / soo ist te laet den Almanack besien. Daer
om/siet ghelijckelijck in tijts wel toe / trecht eene
Lijne/past opten Vaspel / ende vaert wel.

f f f f f.



1552

20368